


Ol Aktiviti blong Kam Folem Mi

Blong famli haos naet o skripja stadi—o blong gat wan gud taem nomo!



26 Febwari-3 Maj

Ol Pepa Tempol

BLONG 2 NIFAE 11-19

Aesea i bin tijim se ol tempol oli ol spesel ples we long ples ia yumi lanem abaot Papa long Heven mo Jisas Kraes (luk long 2 Nifae 12:3). !Mekem tempol blong yuwan! Foldem wan pepa tri taem. Katem wan en long wan traangkal. Openem pepa mo droem yuwan long medel.

Blong ol smosmol pikinini: Lukluk long wan pikja blong wan tempol tugeta. Tokbaot olsem wanem bae yu save filim lav insaed long haos blong God semmak olsem long hom blong yu.

4-10 Maj

Singsing Ol Testemoni

BLONG 2 NIFAE 20-25

Aesea i serem testemoni blong hem abaot Jisas Kraes. Hem i talem se Jisas i paa blong hem mo singsing blong hem (luk long 2 Nifae 22:2). ?Wanem ol singsing abaot Jisas we yu laekem? Tokbaot from wanem yu laekem olgeta. !Afta singsing long olgeta tugeta!

Blong ol smosmol pikinini: Singsing tugeta "Tell Me the Stories of Jesus" (*Children's Songbook*, 57). Askem pikinini blong yu blong leftemap wan pikja blong Jisas evri taem we oli talem nem blong Hem.



11-17 Maj

Tijing Folem Tijing Stori Taem

BLONG 2 NIFAE 26-30

Papa long Heven i helpem yumi blong lanem "tijing folem tijing," o smosmol wanwan taem (2 Nifae 28:30). Tugeta !talem wan fevret skripja stori wan tijing long wanwan taem! Evri bae i gat janis blong talem wan sentens blong stori kasem we stori i finis.

Blong ol smosmol pikinini: Papa long Heven i helpem yumi blong lanem samtng abaot Jisas Kraes. Tanem pej i go long pej 48 mo evri i gat janis blong stap kalarem wan pat blong pikja wanwan taem.

OL PIKJA DIRCING OLI KAM LONG KATY DOCKRILL

18-24 Maj

Ol Step blong Folem Jisas

BLONG 2 NIFAE 31-33

Nifae i bin tijim se yumi folem Jisas Kraes taem yumi gat fet long Hem, sakem sin, kasem baptaes, kasem presen ia we i Tabu Spirit mo stap strong kasem en (luk long 2 Nifae 31). Raetem wanwan step long defren pis blong pepa, afta putum olgeta long flo. Wan bae i sarem ae blong hem mo kaontem 1 kasem 10 mo evri wan bae oli stanap long wan pepa. Afta, hem we i kaont bae i talem wan step blong folem i go long Jisas. Hemia we i stanap long pepa we step ia i stap long hem, bae hem nao i nekis wan blong kaontem 1 kasem 10.

Blong ol smosmol pikinini:

Taem yumi gat fet long Jisas Kraes, yumi folem wanem we Hem i talem. Mekem oli stanap long wan laen mo wokbaot raon. Hemia we i stanap long fored, hem nao i lida. Evriwan bae oli folem olsem wanem lida ia i wokbaot. !Mekem evriwan i gat janis blong stap olsem lida!



25-31 Maj

Ol Lili blong Ista

BLONG ISTA

From Jisas, bae yumi laef bakegen afta we yumi ded (luk long Alma 40:22-25). Mekem Ista lili aktiviti long pej 17. Putum ol lili blong yu long ples ia we ol famli blong yu oli save luk olgeta blong helpem yu blong tingbaot tingbaot Sevy long wik ia.

Blong ol smosmol pikinini: Ridim abaot Ista long pej 46. Askem ol pikinini blong yu blong poenem wanwan pikja blong Jisas taem yu stap rid.